

鍾祥縣志

地 260.127
34.60
1-10
部 2



古者外史掌四方之志邑志猶國史也豈徒後
山川疆域之勝土地物產之繁蓋將驗風俗發
政治而人物之盛衰官師之法守於是乎在則
此亦守土之亟務而豈淺見寡聞率爾操觚者
所能勝任而愉快哉鍾祥爲郟郢舊地人材蔚
興自古有屈宋爲千秋文章之祖繼此代起彬
彬嗣徽不乏歷漢唐以迄於今括而志之賢哲
鍾祥縣志序

相踵文獻誠有不容泯滅者矣然邑自明嘉靖
始設迨國朝康熙初年始創修邑志乾隆六
年踵而修之閱今幾六十年予承乏郡守六載
於茲每閱前志其中紀事屬辭未愜予懷尤懼
數十年來之人物事蹟淹沒不傳而亟思有以
增纂之也癸丑春盧龍張公蒞鍾之三年擢遷
將去擇邑中宿學杜君虹山托以增纂邑志之

任杜君不負委命以邑人自効復經任邱高公
長寧趙公今則元和周公先後督成之踰二年
而書告成剗剗蕝事予獲覽焉予惟 國家百
數十年菁莪成化今

上壽考作人特纂四庫全書集千古斯文之大
成有志之士莫不思立言以垂不朽然抽思騁
詞爲一家言而無關於國家政治得失其所事
鍾祥縣志序

猶小也杜君具上下古今之識牢籠百態之才
不沾沾於風雲月露之細而獨以邑志是任是
不獨無愧於古之良史而所見之大又豈淺見
寡聞率爾操觚者之可同日而語哉予披其全
書義明而詞簡事核而法嚴旣樂觀鍾邑之文
獻犁然具備國家之文教煥然益彰而尤嘉杜
君之學有源本爲鍾邑前人之繼美也是爲序

乾隆六十年歲次乙卯仲冬月

知安陸府事晉水施奕學撰



鍾祥縣志序

序

予讀有宋淳熙中鄧州教授張公
聲道之序富水志云鄧之為鄧楚
郊鄧之舊也東走江淮西通梁漢南
徑荆湘北則馳騫乎陳蔡汝潁之郊
雒師為四通八達之地而有石城以為
固漢水以為限予於涖鍾祥之始

鍾祥縣志叙

居今緬昔俯仰形勝河山不改而冠
蓋舟騎日有應接乃慨然興歎洵為
衝要之區必思有以條理之於是日不
遑食對其吏民察其疾苦稍事補
苴焉而予心未獲自信也志序又云鄧
舊有志淳熙丙午張侯實來見其
疎略舛誤缺焉甚不滿也已而興什植

僵條具實懸暇乃命衆俊緝成此
書凡爲十卷予則治鍾祥無暇苟稍
暇又有文廟城堞道途橋梁諸務亟
待修何暇及志書楮墨之滙哉則予才
不逮古人遠甚所謂興仆植僵者且深
愧矣志序又云張侯於是州日夜究心
恢張形模草易敵陋將去之日如去

鍾祥縣志叙

二

而是書之成蓋可見其綱目予乃於調
博陽擢隨州之先勢不能久於鍾祥
勉效古人將去如去之意懇然以修
志之役擇邑中宿學杜君如山專屬
焉夫鍾祥之志因也亦創也創難因之
非易其間有編定有校正有刪減有
補綴杜君深於文律靡不忠告予則


藉以告成事於鍾祥之士民矣或曰宋
之張侯實來郢州遺愛而卒業於富
公志教授張公聲道復泮之叙之今鍾
祥之志成於公序於公千百年後踵
二張而三矣予則悚然謝之曰何敢然
何敢然也

乾隆六十年歲次乙卯十一月既望

鍾祥縣志叙

三

署荆門直隸州知州前知鍾祥縣事
盧龍張琴韻齋甫手書



叙

詩云維桑與梓必恭敬止古人於鄉之草木猶懼有隕越焉矧一邑之文獻是托其何以脩明而不辱當事之命乎今天下郡邑皆有志志近於史雖紀事屬詞而寔有道有法事取於核詞取於質道取於直法取於嚴然志有難於史者史所據起居注

縣志叙

編年紀月綴以成書志則掇拾舊聞等於耳食懼事與詞之不副也史以褒譏代賞罰是非無所梗避志則人持一喙聚訟不決懼道與法之兩絀也夙昔為此論輒與同學諸君及之會邑侯張公韻齋有志於續脩縣志而同學諸君舉予以膺是役予曰賢侯之命諸君之擇志之承也事與

詞或可免勉措手而道與法維難鍾祥之
有志肇於宋之富水志明初增修富水志
邑人孫司徒有安陸州志俱荒邈無稽矣
嗣是承天興都有志萬歷間則京山李本
寧尚書纂之迨

國朝康熙初有郡志而同時邑人鄭實菴
副使創修鍾祥縣志至乾隆三年邑人李

縣志叙

二

石湖先生復應高侯之聘增緝之今近六
十年矣張侯之汲於此固其宜然願以
一邑之補綴假手儒生筆則華削則削華
者未饜同已之望削者已滋異已之疑簡
非南史筆非董狐恐不免為人所訛議耳
然而頗費討尋不悖得失歲齋一周耳目
心手更迭為用幸得成帙以報命於賢侯

今新尹 周公蒞郟復諄々及此欲亟觀
焉予因謂同學諸君曰曩與公等所稱難
者經之以事緯之以詞其間軌之以道與
法志於是乎可畢而綜事詞之紛綸定道
法之畫一惟兩賢侯先後其成之予則猶
然不弛此恭敬之心謝不敏矣諸君亦曰
唯唯

縣志叙

三

乾隆六十年十一月下澣之吉邑人杜光
德虹山氏謹序



是志也其間增緝人物政典因革褒
遷三如幾六十年而文字較前志反
減十之二三如前志書藝文詩五百有
奇記傳雜辭百六十條篇令乃補摺
近時會計所錄詩不過三百餘言文不
滿百視前志倍嚴其不欠太簡之譏乎
然而眉目朗如名為允瑣或有取焉張侯

杜記

一

屬予脫稿已而侯去鍾祥陞隨州始克
以稿寄正黃質之學博李公拙菴蔡
酌乃定凡秉筆者例有館報予以色
人自効而已張侯酌給日需侯去而自
需有無亦不計也鉛槧數月予則積
髮盡白不敢稍弛其事崇禎三年侯
署荆門過鄧從銜板予應命而慮集

資之難也李公繼張侯而謀厥成且
虞采訪疎眈廣台儲同人猜其素志
襄事間者推卸者李公不惜踵勞即
為面滌而一切經費出入銖兩不吝值之
用輒行墊給鈎稽授梓不遑朝夕則今
日剝削之歲事也李公之功尤為不可沒

云乙卯季冬紅山杜光德又記

杜記

二



叙

志之為書其由來與其功用前人之述已
備胡文定詔說春秋以為性命之文義至
微也庚戌冬予備員鍾鐸謁 聖廟見
堂廡頽湯即延邑紳虹山杜公等議
修數次諸公談間已兼及修志適邑侯
盧龍張公亦慙、以此商予且授意紳

李叙一

士章程於是乎定壬子歲 學宮則
正殿兩廡月臺戟門名宦鄉賢圍
牆牌坊俱一時魏煥其牌位皆予
手書雖曰完舊實同創始至尊經閣
兩學署因歲歉有待蓋自六月迄臘
畫予與輪按照工紳士晨謁晚退
閱半年無間差幸寡過焉癸丑春

張公集紳士復有修志之議旋因調漢陽陞隨州其事未歲然虹山以為事貴始而有終也爰身肩其任毅然操管不責脯脩而諸紳士亦躍然起而予亦欣然動乃集事責成予因言曰大厦原非一木之力今者某之職某事業有攸屬惟是數十年一舉採訪

李叙二

不可不周且慎夫忠孝節義所以尊天柱立地維正氣誠不可磨滅即藝文創建亦非易之往嘗見正史所不載其軼或見於他說甚且有無實濫廁而苦志砥礪以行反致漏遺者史職史陳傳為話柄豈非採訪不周不慎之故哉何以安往者之魂而厲來者之志也茲擇

四鄉公正者帖請面屬令於幽谷僻壤
悉心採輯庶行成名立固或淹埋於
以續前啓後無譏焉所謂性命之文
或亦在是是則予之不敢不盡心者
其他隨所見叅末議當事者採擇
可也是役也虹山以甲寅春入館山郊二
月閒雕十一月告竣其書完善簡明有
李叙三

目自賞予不文特叙其巔末如此至
學宮事俾予再得附諸君子後觀厥
大成是又所厚望也已
乾隆陸拾年歲次乙卯仲冬月望
後四日玉沙李元輔思襄氏號
拙菴叙於鍾學東齋併書



鍾祥邑乘向蒙 太尊施 前邑侯張 學博李

延本邑 杜君重纂增修凡屬

縉紳先生俱經踴躍樂輸昭茲盛舉祇以書多費少
剗刷之功雖竣棗栗之項尚虧 本榮等恐年久板失
文獻無徵爰勸梓人貸貲刷印裝訂每部計工價錢
一千五百文竚望解囊醵金俾梓人早歸故里板片

永貯公所曷勝欣忭

劉鵬起黃象賢
賀由庚黃致中
胡德昌張孚選
張夢熙金繩孫
吳登青廖逢年
高安和黃建中
李本榮王源引
樊若谷高安復
李錫齡黃道衷
李注劉青驥
顧超英黃景照
同具

增修縣志姓氏

鑒修

湖北安陸陸府知府施奕學念菴漢軍鑲黃旗人乾隆庚午舉人
安陸府司知鄭成基直隸大興人
生員

主修

前知鍾祥縣事陞隨州知州張琴韻齋直隸盧龍人己亥舉人

署鍾祥縣知縣高為濟未堂直隸任邱人戊子舉人

攝鍾祥縣事襄陽府通判趙恂槐軒廣東長寧人監生

知鍾祥縣事周季堂少卿江蘇元和人監生

鍾祥縣志  姓氏

協修

鍾祥縣儒學教諭李元輔拙菴監利人戊子舉人

監局

鍾祥縣典史高振邦莫圖江南貴池人監生

纂修

方畧館議敘州同杜光德虹山邑人

參訂

原任通城縣儒學教諭黃廷景南邑人壬午副榜

原任廣東永寧通判黃如楹丹亭邑人庚寅副榜